



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : YAN CHAI HOSPITAL NO.2 SECONDARY SCHOOL

学校名称 : 仁济医院第二中学

Name of Play 剧名 : P 图游戏

Script writer 剧作者 : 陈嘉馨、袁铠盈、马申秋、徐紫樱（学生）

Synopsis 故事大纲：

疫情期间，每人都必须戴着口罩出街，我们都习惯了不在意自己及别人的外貌。

主角（姜巧慧）刚巧是中一学生，在她上中学的第一天，在轻铁月台认识了就读隔离学校的男同学（潘峻一），渐渐对他产生好感，但始终没有勇气向对方表白。

直至半年后疫情终于过去，他们第一次不用戴口罩见面，峻一见到巧慧的样子后便开始疏远她。巧慧很伤心，她开始讨厌自己丑陋的外表，于是她决定把 IG 所有相删除，这时候，她突然在 IG 看到一个 P 图 APPs 的广告，说可以令她重拾自信，于是她下载了这个 APPs 并尝试把自己的相 P 得皮肤光滑一点…



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

Boss : 呢个系你最后慨机会！唔好唔记得你而家块面系掌握系我手上...

巧: （深呼吸）呼...好，我签。

【巧慧在重重的游说下，签下了《永久员工合约》】

Boss: 欢迎加入我哋慨大集团，跟我嚟啦。

巧 vo : 我一定会谗到办法救返你地架！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

【早上，巧慧家中。】

爸： 又有变种个案喇...唉...睇黎呢个疫情有排都未搞得掂。

妈： 系啰...咁就差唔多三年喇...

【巧慧一边食早餐一边看电话，然后不小心把水倒泻了。】

巧： 哎呀。

妈： 唉，好心你食野就专心 D 食啦！成日挂住睇电话，都唔知有啲咁好睇。你仲唔食快 D？想第一日返学就迟到呀？

巧： 下...系喎...死喇！！咁晏架喇？

妈： 口罩呀！

巧： 系喎...

【巧慧急忙拿书包离开】

巧： 我出门口喇！

巧 VO： 喺新冠疫情慨肆虐下，人人都戴住口罩生活持续左三年，大家都习惯对方有口罩的样子，为了安全大家也甚少出来吃饭，所以只会偶尔在社交平台见到大家慨真样。

【早上，在轻铁月台，眼见最后一班轻铁正在埋站，巧慧赶紧冲上月台准备拿出八达通入闸，却发现忘记了带银包出门口。】

【巧慧不知如何是好，这时隔离学校的一位男同学（峻一）看到此事发生，上前帮忙。】

巧： 死啦再唔上呢班车实迟到啦，个银包喺边，明明记得出门口慨时候又攞㗎。

峻： Halo，我有咩可以帮到你呀？

巧： 我.....搵唔到个银包。

峻： 我借钱俾你买飞啦。

巧： 多谢你呀！

峻： 快啲啦，架车埋站喇！

巧： 哦！

【巧慧急忙买票，峻一帮忙顶着车门。】

【巧慧终于能赶上该班轻铁】



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

巧：（喘气）真系唔该晒你呀。

峻：唔洗客气。

巧：依？你系圣马太中学慨？即系我隔离学校？我可以点叫你呀？

峻：哦，你叫我峻一啦。你呢？

巧：我叫巧慧。

峻：巧慧。

巧：丫！系呀，听日我还返钱比你丫。

峻：唔洗啦，好小事咋嘛。

巧：唔系咁好慨...

峻：咁...一系我地听日照系呢个时间喺月台等丫。

巧：好呀。

【巧慧与峻一聊得很开心】

巧 Vo：第二日同样时间我哋喺轻铁站见面，我还返钱比佢之后就一齐搭车返学。自此之后，我地经常都会遇到大家，我哋仲有讲有笑添...虽然我对佢有好感，但系因为唔知佢点谗所以始终都有行出第一步。

莹：巧慧！

巧：阿莹？

峻：你个 friend 呀？

巧：系呀。

峻：咁我唔阻你啦，听日见啦！

【峻一离开】

莹：（模仿峻一的语气）咁我唔阻你啦，听日见啦！

巧：喂呀～

莹：（模仿巧慧的语气）喂呀～

巧：玩够未呀。

莹：点呀，睇黎你地发展得唔错㗎，快啲去同佢表白啦！

巧：你讲咩呀！虽然我哋系成日见，但系都未真系好熟，我连佢 IG 都无。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

莹： 都叫你进取啲架啦。

巧： 都唔知人地点谗。

莹：（ 再次模仿峻一的语气）咁我唔阻你啦，听日见啦！咁都唔系钟意你？唔钟意你唔会日日同你一齐搭车啦。

巧： 其实有时系我等佢咋嘛。

莹： 哗！你睇下你个样！钟意人就去啦…

巧： 或者人地有女朋友呢…

莹： 或者人地当你系佢女朋友呢！

巧： 你唔好乱讲啦！

【远处学校钟声响起。】

莹： 快啲行啦！迟到喇！

巧 Vo： 半年之后，疫情终于过去，终于可以唔使再戴口罩喇…